



Broj: A-392/26-6
Dana, 10.6.2026. godine

Na osnovu člana člana 70. stav 1. 2, 3. i 6. te člana 68. stav 4. tačka i) Zakona o javnim nabavkama BiH („Sl. glasnik BiH“, broj 39/14, 59/22 i 50/24), na preporuku Komisije za javnu nabavku od 04.6.2026. godine, u postupku javne nabavke usluge obavezno automobilsko osiguranje i potpuno kasko osiguranje bez franšize sa uključenim rizikom od krađe službenih vozila u Okružnom javnom tužilaštvu Banja Luka - LOT 2, putem konkurentskog zahtjeva za dostavu ponuda, Glavni okružni javni tužilac Mladen Mitrović koji je nadležan za donošenje odluke donio je:

ODLUKU
o izboru najpovoljnijih ponuđača za dodjelu ugovora
LOT 2

I

Prihvata se preporuka komisije za javne nabavke od 04.6.2026. godine i ugovor za javnu nabavku usluge obavezno automobilsko osiguranje i potpuno kasko osiguranje bez franšize sa uključenim rizikom od krađe službenih vozila u Okružnom javnom tužilaštvu Banja Luka- LOT 2, dodjeljuje se najbolje ocjenjenom ponuđaču „SARAJEVO OSIGURANJE“ d.d. Sarajevo za ponuđenu cijenu od 5.919,73 KM, bez PDV-a, kao najbolje ocijenjenom.

II

Ponude ponuđača „Grawe osiguranje“ a.d. Banja Luka i „Dunav osiguranje“ a.d. Banja Luka se odbacuju u skladu sa članom 68. stav 4. tačka i) ZJN BiH.

III

Ova odluka objavit će se na web stranici ugovornog organa istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

IV

Ugovor o nabavci dostavit će se na potpis izabranom ponuđaču „SARAJEVO OSIGURANJE“ d.d. Sarajevo za LOT 2 u roku od 10 (deset) dana, računajući od dana kada su svi ponuđači obavješteni o izboru najpovoljnije ponude, u skladu sa članom 98. stav 4. Zakona o javnim nabavkama.



Objašnjenje

Postupak javne nabavke pokrenut je Odlukom o pokretanju postupka javne nabavke broj: A-392/26 od 12.5.2026. godine. Javna nabavka je sprovedena po proceduri konkurentskog zahtjeva za dostavljanje ponuda, a obavještenje o nabavci broj: 315-7-2-31-3-5/26 objavljeno je na Portalu javnih nabavki Agencije za javne nabavke BiH, dana 13.5.2026.god. u 12,22^h, a u „Službenom listu BiH“, broj 34/26, objavljeno je dana 15.5.2026. godine.

Kriterijum za dodjelu ugovora je najniža cijena. Procijenjena vrijednost javne nabavke je 9.700,00 KM, bez PDV za LOT 2.

Rok za dostavljanje ponuda za nabavku usluge obavezno automobilsko osiguranje i potpuno kasko osiguranje bez franšize sa uključenim rizikom od krađe službenih vozila u Okružnom javnom tužilaštvu Banja Luka - LOT 2, bio je 27.5.2026. godine do 11,00 časova. Komisija je pristupila otvaranju ponuda dana 27.5.2026. god. u 11,30 časova, odnosno u vrijeme i na mjestu navedenom u tenderskoj dokumentaciji, o čemu je sačinila zapisnik o otvaranju ponuda koji je dostavljen svim ponuđačima koji su učestvovali u postupku javne nabavke.

Komisija za javnu nabavku dostavila je dana 04.6.2026. godine izvještaj o radu, zapisnik o pregledu i ocjeni ponuda i preporuku o izboru najpovoljnijeg ponuđača u postupku javne nabavke usluge obavezno automobilsko osiguranje i potpuno kasko osiguranje bez franšize sa uključenim rizikom od krađe službenih vozila u Okružnom javnom tužilaštvu Banja Luka-LOT 2.

Komisija je pravilno i potpuno izvršila ocjenu kvalificiranosti ponuđača, te ocjenu prispjelih ponuda, u skladu sa kriterijima iz tenderske dokumentacije o čemu je sačinila odgovarajuće zapisnike u kojima je utvrđeno sljedeće:

LOT 2:

- da je ukupan broj pristiglih ponuda šest (6);
- da je blagovremeno zaprimljeno šest (6) ponuda;
- da nema neblagovremeno zaprimljenih ponuda;
- da dostavljene ponude i dokumentacija ponuđača „Brčko –gas osiguranje“ d.d. Brčko, „Sarajevo osiguranje“ d.d. Sarajevo, „ASA Central osiguranje“d.d. Sarajevo i Društvo za osiguranje „Premium osiguranje“ a.d. Banja Luka odgovaraju svim zahtjevima iz tenderske dokumentacije;
- da je ponuđač „Grawe osiguranje“ a.d. Banja Luka nepravilno popunio ANEKS 3-Izjava iz člana 45. ZJN BiH jer je u izjavi navedeno:
„Ja nižepotpisani Gajić Gordana, sa ličnom kartom broj....., u svojstvu predstavnika privrednog društva.....“,
a zatim *„izjavu dao i potpisao Malešević Bojan“*.

Naime, po punomoći generalnog i izvršnog direktora „Grawe osiguranje“ a.d. Banja Luka, Bojan Malešević je ovlašten da u ime ponuđača popuni, potpiše i ovjeri Izjavu iz člana 45. ZJN BiH. Ukoliko se zaposleniku da punomoć da popunjava dokumente u ime ponuđača, u tom slučaju on je dužan da unese vlastite podatke i potpiše izjavu. Dakle, Izjava iz člana 45. ZJN BiH nije pravilno popunjena, tako da ponuda gore navedenog ponuđača nije potpuna i ne ispunjava zahtjeve iz tenderske dokumentacije.



- da je ponuđač „Dunav osiguranje“ a.d. Banja Luka nepravilno popunio ANEKS 2-Obrazac za cijenu ponude jer je:
 1. U svojoj ponudi propustio da iskaže jediničnu cijenu za kasko osiguranje za vozilo Škoda Fabia, tačka 7. - Obrazac za cijenu ponude.
 2. U svojoj ponudi pogrešno iskazao ukupan iznos jediničnih cijena za kasko osiguranje u iznosu od 2.620,45 KM, što ne odgovara stvarnom ukupnom iznosu jediničnih cijena za kasko osiguranje svih vozila.
 3. U svojoj ponudi pogrešno iskazao ukupnu cijenu za obavezno osig X-AO i kasko osiguranje u iznosu od 5.711,98 KM. Naime, ukupna cijena za obavezno osig X-AO i kasko osiguranje kada se saberu sve jedinične cijene iznosi 10.818,81 KM i to je ukupna cijena dostavljene ponude.
 4. U svojoj ponudi u ANEKSU 1- Obrazac za ponudu, stranica 2 od 2 u tački 3. naveo: „Ukupna cijena za ugovor je 5.711,98 KM“, što ne odgovara ukupnoj cijeni za ugovor kada se saberu sve jedinične cijene u ponudi.

Dakle, Aneks 2 Obrazac za cijenu ponude nije popunjen na način da se predstavi jasna specifikacija usluga sa pojedinačnim cijenama i ukupnom cijenom, a kada se saberu sve jedinične cijene ukupna cijena za ugovor dostavljene ponude je skoro duplo veća od cijene koju je gore navedeni ponuđač iskazao u Aneksu 1- Obrazac za ponudu.

Dakle, ponuda gore navedenog ponuđača nije potpuna i ne ispunjava zahtjeve iz tenderske dokumentacije.

Na osnovu svega navedenog ponude ponuđača „Grawe osiguranje“ a.d. Banja Luka i „Dunav osiguranje“ a.d. Banja Luka nisu potpune i ne ispunjavaju zahtjeve iz tenderske dokumentacije, te se u skladu sa članom 68. stav 4. tačka i) ZJN BiH („Sl. list BiH“, br. 39/14, 59/22 i 50/24) odbacuju.

Nakon izvršenog pregleda i ocjene ponuda zakazana je e-Aukcija za LOT 2 dana: 04.6.2026. u 10:00 sati, a koja je završena u 10:20^h i na koju su bili pozvana četiri ponuđača koji su dostavili prihvatljive ponude u ovom postupku javne nabavke.

Uvidom u izvještaj o toku i završetku e-Aukcije za LOT 2 - obavezno automobilsko osiguranje i potpuno kasko osiguranje bez franšize sa uključenim rizikom od krađe službenih vozila u Okružnom javnom tužilaštvu Banja Luka, komisija je utvrdila da nije bilo izmjena ponuđenih cijena, odnosno da nijedan ponuđač nije učestvovao na e- Aukciji, te da je ponuđač „Sarajevo osiguranje“ d.d. Sarajevo ponudio cijenu od 5.919,73 KM, bez PDV-a i da je na konačnoj rang listi prihvatljivih ponuda za LOT 2 na prvom mjestu.

Kako je ponuda ponuđača „Sarajevo osiguranje“ d.d. Sarajevo ocijenjena kao prihvatljiva i kako je gore navedeni ponuđač najpovoljniji ponuđači nakon završetka e-Aukcije, Glavni okružni javni tužilac prihvatio je preporuku komisije za javne nabavke, te u skladu sa čl. 70. Zakona donio Odluku o izboru ponude ponuđača „Sarajevo osiguranje“ d.d. Sarajevo kao najpovoljnije za LOT 2.

Ukupna cijena najpovoljnije ponude iznosi 5.919,73 KM, bez PDV-a.



U postupku donošenja ove odluke posebno su cijenjene činjenice da je komisija pravilno izvršila ocjenu kvalificiranosti ponuđača, kao i ocjenu prispjelih ponuda, u skladu sa kriterijima iz tenderske dokumentacije, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom. Izabrani ponuđač odabran je primjenjujući kriterij „najniža cijena“. Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove Odluke dopuštena je žalba, koja se podnosi Ugovornom organu u roku od 5 (pet) dana od dana prijema Odluke, u skladu sa članom 99. i 101. tačka 5. ZJN BiH.

DOSTAVITI:

- Svim ponuđačima
- a/a



GLAVNI OKRUŽNI JAVNI TUŽILAC

Mladen Mitrović